

---

# GREAT Flipbook

---

# GREAT PROJECT TOOLKIT



## Flipbooks Printing Guidance

### Paper Sizing

The “GROWING UP GREAT flipbook for girls” and the “GROWING UP GREAT flipbook for boys” are created for Standard JIS B4 (10.12 x 14.33”) paper size and include a standard crop and bleed line. Scaled down and printed at Actual Size, the Flipbook will print on Standard Letter (8.5 x 11”) without the guiding crop lines.

### Printing Instructions

The flipbooks are print-ready. The pages are intended to be printed double-sided in this order. This way, the story-teller can show an illustration while reading the corresponding story text on the reverse side. The flipbooks are designed to be spiral bound across the top of each page.




**USAID**  
FROM THE AMERICAN PEOPLE





DONGO AME IBEDO OTEKA!  
Buk me tic pi awobe



**USAID**  
FROM THE AMERICAN PEOPLE




**GREAT**



Illustration & Design:  **Mango Tree**  
[www.mangotreeuganda.org](http://www.mangotreeuganda.org)



# DONGO AME IBEDO OTEKA! Buk me cako tic pi awobe




## Yoo lok bot ocek icina


Acaki doko bulu, iyii akina mwaka 10 tunu kede 14, obedo kare me alokaloka me kom kede tam. Bulu atino kare okene wii gi bedo ame orucere ame mito ni gin woti bot jo adongo me agenna me miyo gi tam. Onywal, amege, pape kede aneo, otino adongo kede otela, calo bala otela wii gurupe atitino kede opwonye, tye kede tic apire tekame konyo bulu atino me dongo akom gi yot dang atek. Dul me icina magi tye me konyo jo adongo ame tye kede gen me lok kede bulu atino ikom ngo ame timere ikare me jarawe, tam apapat kede kite me tyeko iyii akina paci wa ame teki. Icina magi tye ikom tam anero awobi iwii-gadi.

## Cik me aluba bot ocek icina

1. Buk me cako tic man tye me tic iyii gurupe owobe ame mwaka gi tye iyi akina 10 kede 14. Oromo kwano bot gurup owobe kede anyira ame mwaka gi rorom. Man konyo anyira kede owobe me bedo kede ngec kede bedo iniang onyo woro pi jo ducu.
2. Buk me cako tic man oromo tic kede ka keken, naka iyii gurupe me cukul, gurupe me dini, kacokere me iyii akina paci, onyo ipaco.
3. Tye icina adek acego cego. Icina acel acel myero ter dakika 30. Acek icina romo yero me ceko icina acel onyo akato acel iyii gure acel no.
4. Dano moro keken adit onyo bulu adit tye agonya me bino bedo acek icina. Coc man ocoyo ileb ayot bot dano moro keken adit ame tye kede cuny me mara me kwano bot buli atino.
5. Buk me cako tic man acek icina romo mako, oketo ping onyo iwii meya. Inyim papara ducu tye cal bulu. Inge papara tye coc me akwana ame acek icina myero kwan. Papara me coc magi tye kede apeny ame oyer me apenya gurupe.
6. pore me icina man ocek iyore me tuku goga, tic kede dwon onyo kom tuku. Acek icina romo yero me kwano icina onyo apenye ame ocoyo, onyongo medo jami okene ame timere iyii akina jo kede apenye. Anyut atye ateni kede jami ame timere iyii akina owobe kede anyira ame romo kelo tam kede leyo tam.
7. Apenye mogo ame omaro penyo kede agam gi ikom jarawe tye inge buk me cako tic man. Yore man romo konyi me gamo apenye ame bulu romo penyo. Ocek icina twero cako kede nyuto cal acel acel bot bulu me miyo jo ducu tuku ame pwod pe ikwano coc man kun ipenyo apenye alubere kede ngo atye atimere ical.







Man obedo cal ajo me peco ame oya iboma ame olwongo ni OTEKA. Nyako olwongo ni Esther eka awobi olwongo ni Okidi. Okidi obedo awota Esther icukul.

Okidi tye kede mwaka 13. En dilo me pur idiko nino inino ame en pwod pe owoto icukul. Iyonge cukul, Okidi timo tic me paco. En maro tuku odilo kede owote mere.

Kare Okidi apire tek loo obedo iwii-gadi ame nwo en tye awinyo icina ibot jo adongo. Yie bedo ayom me ngeyo icina magi alubere kede tekwaro gi.


### *Apenye mogo bot gurup:*

- Gin atima ango aber ame yin imaro timo kede jo ipaco ni, calo bala pur, kare me bedo iwii-gadi onyo myel apapat?





# *Icina 1*



## Icina 1 Bedo oteka nino ducu



Ame en dong odoko adit, jo iyi paco okidi tamo ni en myero nyomo, bed kede otino dang te gwoko paco ture. Okidi tye amito bedo apwony. Okidi tamo ni kwo mere me ayim romo bedo ateni ka en ewinyo lok Onywalere kede me tic atek.


Amin Okidi tye kede mwaka 11. Ikare okene Okidi tamo ka ce en aminere dang romo nwongo jami me kwo mere pi anyim. Ame gin nwo pwod otino, Okidi kede aminere otimo gini jami ame rorom. Gin owoto icukul. Timo gini tic me paco eka ote tuku. Pol kare gin nyero dang oloko kar acel. Ento ikare ni, aminere tye kede tic adwong tutwal paco kun en pwod tye kede cawa me tuku kede kwan.

Okidi maro aminere. En mito konye me timo aber icukul wek gin bed kede kwo aber iyii anyim. Ento en lwo ro ngo ame owote mere akobe. Ento nen bala apama moro ame pe nen tye opoko yii akina gi kede aminere ame weko pe romo miyo kony.

Apama man pe romo nen, ento tye. Okidi winyo. Okidi bedo kede wur apol “Ka ce aturo apama man me konyo amina, abino nen bala icoo ka adongo?”

### *Kop mogo anyen:*

- Tic paco ango ame yin imaro timo? Itamo ni tic me paco rorom onyo papat pi anyira kede awobe?
- Itamo ni man pore? Pingo?
- Okidi tye atingo pii









Okidi neno ni tic aminere apoli weko en pe bedo kede cawa me timo tic me cukul. En dang winyo ni romo bedo rac pi anyira me wot idye wor. Okidi mito bedo omin atek. Amani, iyi otyeno no, Okidi te moko me twomo pii pi aminere. Me acaki, Okidi okobi papere. “Papa, atye mito twomo pii tin otyeno ni. Man agwoko amina dang amine kare me kwano buk mere. Wan ducu obedo otino me paco man.” Papere tye yee.

Okidi opiko pii iyi jeriken iyi tangci. Kadi bed ni jeriken magi pek, Okidi tye atek kede romo tingo gi oko ame pe oony. Iyi akina yoo paco, owobe moro nyware. Awobi acel nyero. En okene kobi. “Ole Okidi, yin amani idoko nyako oko?” Okidi tye gamo, “kong inen kit ame atek kede”

Okidi pwod tamu pi lok owote mere. Ento ka en otunu pacu totere kede aminere nwo tye ayii gi yom. Iworo, en obedo kede alokoka anonok ginoro iyii cunye tye atemo bedo atemo bedo atek.







Nino okene, ka okidi dong odwogo igweyo odilo, oneno ni aminere tye akwete kede timo tic ame apwony omie icukul pi atia paco. Dong en ocung me konye . En owoto iyii ot kun kobi onywalere ni en emito ni aminere myero tyek kwan. En ocikere me konyo aminere me bedo icukul wek en tyek kwan. Icenre ityeno no, en owinyo dok aber akato iyii cunye. Ngo ame tye atimere, en owuru?


### *Apenye bot gurup:*

- Itwero konyo amini kede tic me paco medo kede me cukul? Ngo ame itwero timo?
- Amini twero winyo ni ngo ka ikonye?









Inino mere oken, Okidi odok paco kun oya icukul kede owote mere. Gin orwate kede nyako iyoo. Awot okidi maro nyako ni.

Awot Okidi openyo nyako ni me bedo awotere kede me wot kan oling kar acel. En oling alinga. Awobi okene okobo ni, “En tye aling alinga. Man nyutu ni en mari!” awotere otemo diyo nyako ni me wot kede.

Okidi otamo, “myero atim ngo?”

Okidi te donyo, te kobo ni, “Awota, ling alinga pe tere ni en oyee. Mite me yin nyuto woro me nwongo woro. Man obedo wie wie ame apwonyo ibot nero na. caki ngeyo awoti me acel. Eka en te mari oko.” Nyako no te pwoyo okidi eka te wot oko oyot oyot. .


Awot okidi okobo, “Okidi, inen apat iyii akina nino ni. Itye kede tek cuny dang dong idongo oko. Kobi wa imungi!”


---

### *Apenye bot gurup:*

- Itamu ni imung ango ame oweko okidi tye kede tek cuny?
- Iromo konyo owote ni me woro anyira? Ni ngo?







Okidi onwongo kare aber me lok kede nero mere ame obedo omin atotere iwii-gadi.

Okidi openye, “nera, acegi cegi ni akonyo amina weko pii ityeno. Kare okene akonye kede mwodo yen, kede tiyo gin ame apwony omiyo icukul. Aman en dong tye kede cawa me kwano bukere. En tiyo ticere me cukul ame en nwo pe ool. En okoba ni an abedo omin atek.”

“Aman atye atek iyii cunya. Itwero koba pingo?”

Iyonge winyo ngo otimere, nero mere okobo, “yin ituru apama itur apama ame pe nen, Okidi. Yin ituro kun beo itimo gin ame yin ingeyo ni pore, pe paro gin ajo okene tamo. Icawa ducu ame yin itimo gin man, inwong teko me yic adwong. Yia yom ikomi!”


Wii Okidi obale matek!













Okidi tye amito kobi owote mere imung man. Ento nero mere tye amede imiye tam, dong okidi tye atemo me poyo jami ducu ame okobe me wek ewot ekob owote mere icen.


Nero okidi onywako, “wek akobi jami akwako coo kede mon. itwero neno ni tye apokapoka mogo me kom ikom wa iyii akina anyira kede awobe. Calo bala kom me icoo kede kom me mon tye apapat. Apokapoka man tye acalo bala adwogi me cwec.

Ento ka ingio ping, ibino dang nwongo ni awobe kede anyira timo jami apapat kede ruku bongi apapat. Ento apokapoka magi pe obedo acalo adwogi me cwec. Kan awan obedo iye en opwonyo wa.

Mon ame timo jami me atura, calo bala nwongo lobo kede bedo otela, pwod obedo mon. coo ame timo jami me atura, calo bala tedo kede lwoko jami, pwod obedo coo. Pien tic opwonyo apwonya, wan otwero loko gin ame wan omito pi miyo kwoo ni bedo aber.”







Nero Okidi omede, “Okeo na, bedo awobi pokere ka ikom bedo nyako. Pe ber, onyongo rac. Wan awobe kede coo otye kede peki kite acalo anyira kede mon dang tye kede peki.

Iyii ateni onywalo wa aromrom kede jami apol ame rwate. Anyira kede awobe tye ked kom ayot kede wic aryek. Anira tye kede remo kede cogo. Anyira kede owobe tye kede gen pi anyim gi. Anyira kede awobe gin ducu tye kede gum arom aroma me bedo gin aber.


Man en aye omiyo myero itur onyo irwac apama ame pe nen. Cak kede yore mogo atitino ame yot, kite acalo itimo kede, kun pe iweko. Bed ateni ikomi me bedo yin amer. Iyore ni, ibino bedo atek dang ote wori.”

### *Apenye bot gurup:*

- Apoka poka ango ame tye iyii akina anyira kede awobe? Man obedo acalo adwogi me cwec onyo kan orumu wa en opwonyo wa?
- Kite ango ame yin ibino turu kede apama ame pe nen ame tye iyii akina awobe kede anyira? Ping ngo omiyo pire tek me temo?
- Kite ango ame yin ibino bedo kede atek nino inino?







Nero Okidi okobo, “okeo na, aman yin dong ingeo teko me bedo ateka. Wek an dang kong dok awiny akwako geni me anyim. Nywak geni kede jo adongo me wek wan okonyi kede kite me nwongo gi. Dong koba, yin itye imito bedo ngo iyii anyim?”

“Amito bedo ngat ame jo woro. Amito bedo icoo kede papo ame tye kede pacu me kuc. Amito bedo apwony,” Okidi okobo.

“Okea,” nero okidi okobo, “yia yom me ngeyo. Man obede kare me kwo me yin iyubere, tic atek, kede mede me tiyo tic oteka nino kede nino.”

### *Apenye bot gurup:*


- Kodi dano ango ame imito bede iyii anyim?
- Kodi tic ango ame imito ni itii ikare me anyim?
- Nga ame ibino lok kede akwako geni?
- Pwony ango ame yin inwongo ikom icina okidi ni?








*Icina 2*




## Icina 2 Jarawe twero bedo me awura




Idiko moro acel, Okidi ocoo tye nwongo ni pali mere acek kede kakana en obutu iye ojut. Obedo jot apek, kun ngwece pe tye bala ngwec lac. Wiye obale tutwal! 'koma lit?' Okidi oparo pi ni nino acel aluto.

### *Apenye bot gurup:*

- Itamo ni ngo otimere ikom Okidi?
- Ingeyo ngatoro ame obeo ikodi gini?







Iwii-gadi, iwi otyeno no, en okobi nero mere ngo ame otimere. Nero okidi okobo, “Okeo na”, pe ilwor. Akobi ngo ame gini obedo, kede jami ducu alubere kede dongo. Wiya poyo ni an dang abeo igin acal kito an ikoma!


Gin ayin ibeo iye tin idwor ni olwongo ni “oony ikabutu.” Awobe kede coo pola kare timo gini ka onino. Timere me co iwang nino ame pii ni dong otyeko okato oko, onyo pe ite nwongo iyonge co iwang nino. Man pe obedo gin anyen dang pe gengere.

Yin dong itye ikare aber me kwo ame olwongo ni jarawe. Man obedo kare ame komi kede tami tye adongo kede alokere. Jarawe romo cakere ikare apapat pi otino apapat. Awobe okene cako con bala imwaka 10, kun jo okene cako kede mwaka 15. Alokaloak me kom kede tam bino mede naka ka iyte mwaka 21. Okeo na, icako wot abor me doko dano adit.”

Okidi winyo agonya!







Okidi dong tye agonta me kobi nero mere kop okene. “Aworu maca ikalaci, atemo me gamo apeny apwony. Ento dwona cutcut owinyere apat ate winyo bala amito oolo. Nero na, ngo ame tye atimere ikoma,” Okidi openyo.

Nero mere onyero. “Nwo myero inena ikare ame atidi! Onwongo atye kede tyen ame obedo yer adong loaloya iyi kilaci na ame pero ngatoro keken obedo kede! Pi man, pe ilwor. Alokaloa me dwon obedo alokaloa ace lame yin ibeo iye.

Kede, komi me icoo bino mede bedo adit. Yer atur ite weti/badi, tung wangi kede kori, kede bala an, ityeni. Idongo abor, ibedo lele kede kwok acwer ikomi atek.


Yin ibino telo. Man nwo komi me icoo odoko atk. Telo twero timere idyer wor onyo idye ceng. Bala oony ikabutu, telo pe twero gengere. Ka ikuru, telo no bino dok cen kene. Pe myero irwate iyore me butu onyo ioony. Man pe akelo peko moro ikomi.


Alokaloa me kom obedo gin ame timere. Obedo angut ni komi tye adongo dang tye alokere. Pe mii yii wang. Bed awaka pi teko ni, ked yot komi medo kede tam!”

### *Apenye pi gurup:*

- Alokaloa me kom ango ame owobe beyo iye ikare me jarawe?
- Dong ibeo iyi ilokaloka moro acal kiti oko?
- Itamo ni ony ikabutu onyongo alokaloa me kom nyutu ni awobi dong oromo rwate oko ibutu? Pingo?







Okidi openyo, “Nero na, owote na onyoni kobi ni an dong adokoo anywar. Calo bala awobi ame okwalo tuku adilo. Amiti ayub adilo dang awek wot tenge. Ingeyo Nera, an nwongo pe atye amino ikare okato. Pingo man tye atimere ikoma?”




Nero Okidi oniange. “Bed agonya. Pe ibed ilworo, karo okene iromo winyo apapat ikare me alokaloka magi. Icawa okene itamo ni jo okene pe niang kwo ni. Iromo bedo ayi yom pi dakika acel eka idakika okene ite bedo ayi tye awang. Bed ame idiyo cuny. Ibino naa ikwo ni no.”

---


### *Apeny bot gurup:*

- Alokalka me tam ango abuli beo iye ikare me jarawe?
- Dong otyeko ibeo iyii lokaloka moro iyi akina alokaolka magi?










Nero Okidi omede. “Okea, yin dang iromo bedo kede yilo kom me mit ikom anyira. Ento bedo kede tam ijami ni obedo tic atek ame myero itimi, dang omyero ikur naka ka idoko adit.

Amani wek akobi kop ikom alokaloka ikom anyira me wek ibed ingec ikom anyira kede awobe, ka iporo kede awobe, anyira beo iyi alokaloka ame cacal kede alokaloka okene kede ame awobi, anyira dongo abor eka yer te bedo ite wet gi kede te gure ikom gi me mon. Anyira dang kwok cwer ikom gi adong, angok dang bino iwangi apol.

Nikwanyo awobe, cak kede pyer anyira dongo adit, cako tiyo two dwe. Tiyo two dwe romo cakere iyi akina mwaka 9 itunu kede mwaka 14. Oonya remo man timere idwete ducu pi nine 3 tunu kede inine 7. Akadi kono bed ni anyira romo yac ka ocalo timo two dwe, kom gi kede tam pwod pe tye agonya me yac. Calo bala awobe, myero gin mede kede dongo ikare me jarawe ame nwongo tye ayubere me doko jo adongo.”






DISCLAIMER: This page not included in the final Uganda version.







“Okidi, amani apwonyi ikite ame otino yubere kede. “Ting cingi me tung cem malo ite dwoko ping kede cwal cen kede anyim calo bala kudi. Man nyutu kwir iyi kom coo. Ting cingi okene malo calo bala bok. Man nyutu tong iyi dako. Nwo iyonge an:

“Onywala onwongo ikare ame gin ribere ibutu eka kwir apapa ( ting cingi me tung cem bala kudi onyo kwir) kede tong tota ( dol cingi me tung cam) bin kare acel (rib cingi oko ducu) eka te keto bedo dano.

Kwir obedo pii-pii ame donyo ikom me awobi atek. Owobe pe onywalo kede kwir. Owobe cako kelo kwir ikare me jarawe mede kede ikwo gi lung. Ka kom awobe me coo odoko atek eka te nyeto kwir, en romo miyo nyako yac.

Awobi romo miyo nyako yac icawa moro keken ame gin orwate ibutu abongo gengere onyongo tic kede opira, onyo yoo okene me gengo yac.


Yac kede nyako pe nyutu ni yin dong itye ame iyubere me rwate onyo yac. Ka ityeko dongo, ibino bedo ngat oyubere atek me bedo papo ite bedo kede turi apiri keni.

Amani Okidi, poyo man aber pi anyimi. Ka itye iwinyere kede dano ateni, ame wun ducu ote yee wunu ni man dong obedo kare, lim atic me yot kom. Pwony eka ite leyo tam iyoo pi kare ame imito yac kede dako nwongo otino. Tye yore apol me konyo jo onyomere me yubere pi yac kede me gengere ikom yac ame pe iyubere iye. Ibino timo man piri onyo paco ni?”

Okidi oyee.

**DISCLAIMER: This page not included in the final Uganda version.**







Kede tam anero mere, Okidi pe lwor ikom alokaloka me kom ikare ni. En tye oyubere me nywako ngecere kede otino okene.

Inino okene ame tye agweyo odilo, Okidi oneno omaro mere tye atimere iyoo apat inino okene. Ka ka tuku atek, omaro mere obedo alingling ilak lek. En te penyo, “Ojoni, ngo arac kede?”

Omaro Okidi te kobo, “Omara, ginoro obalo tama tin iwor. Acoo ate nwongo ni pali na ojut. Atamo ni myero koma bed alit.”

Okidi te bwonyo. En te kobo, “Omara itye ibeo iyi jami bala an. Man olwongo ni ony ikabutu. Timere ikare me jarawe ame komi kede tami tye adongo. Timere ikom awobe. An adit aloyi anak, amani aromo kobi alokaloka ango ame tye abino. Tyen dyang icen lubu tyen dyan iyim.”

---

### *Apenye bot gurup:*

- Iromo konyo owote ame oboe iyi alokaloka me kom? Ni ngo?
- Ikobo ngo bot awoti ame ame tye kede kop alubere kede alokaloka me kom?
- Pwony ango ame inwongo ikom icina Okidi?





# *Icina 3*







Okidi owoto paco kede owote mere aryo iyonge ya igweyo odilo. Owote te neno ni Okidi tye kede yer ite wete. “Ojoni! Aman dong ibedo icoo. Myero dong iwot irwate ibutu kede nyako. Aniangi niangoro” Okidi owuru, “aa an dong abedo icoo?”

### *Apeny bot gurup:*

- Bedo ayer ikom Okidi tere ni en dong obedo icoo?





Otyeno no iwii-gadi, Okidi obedo iwii gweng adit. Tye amito nyutu iyi owote mere ni en etye edoko dong icoo. Ento coo ame tye iyi nget mac tye anene kede wang ape atur. Okidi tye atamo ni en myero ewot ebedi iwii dul, kede olwagi mere.

Amani Okidi te penyo nero mere, “An dong abedo icoo?”

Nero mere te gamo, “Okeo na, nene kong keni. Yin kede dongo. Yin pe ibedo atin atitidi dang pwod pe ibedo icoo adit. Pi man pwod pe iromo rwate ibutu, onyo bedo kede dako. (Ka pwod itidi, myero pe ibunyere me nyom con.)









Nero mere omede, “Okidi, ka itye idoko adit, ibino rwate kede tam apol. Angeyo ni yin ibino bedo moko tam abeco. Apwod pe imoko tamoro keken, penyere keni keni, ‘man obedo tam aber onyo tam atek’? Apeny man ayoti bino konyi me yero gin aber.


Tam acel ame yin ibino moko iyi kwo ni kare ikare obedo me timo onyo pe timo ame owote ni okobo onyo okato kede.


Ka owote ni odiy me rwate iyore me butu ame kare ni pwod pe oromo, nwongo gin tye atic kede teko gi iyore arac. Kadi bed ni man pe romo kelo awanu, man diyo jo aling aling. Pi man, tam aber obedo me kobi gi ni kare ni pwod pe oromo. Yin itwero ‘yee me pe yee’. Tam aber tye me miyo gin ngeyo pingo omiyo yin pe itye atera me rwate iyore me butu, iye cukuru cuny gi me tamo ikom tam gi dang.”

### *Apenye bot gurup:*

- Itamo ni yot me timo gin apat ikom mego owote ni? Pingo?
- Ngo atwero konyi me moko tam aber/atek piri?







Okidi openyo, “Nero na, Angeo ni an pwod pe abedo icoo dang ni pwod pe aromo rwate ibutu. Ento amaro nyako moro icukul. En cil dang ryek. Atwero nyute ni ngo ni an amare abongo rucu wie onyongo wia?”

Nero mere te gamo, “Ateni! Tye yore apol me nyutu mara bot dano. Kong itam ikom onywali kede owote ni. Iparo pi gi dang imaro gi. Pe amanono? Inyuti gi mara iyoo apapat.

Ka itye idongo adit, iromo moko kit wat ango ame imito ni bed iyii akina wuni nyako. Ka nyako ame yin imaro tye kede tam acelo, iromo nyuto mara ni bote iyore okene abongo rwate ibutu. Iromo coyo balu kede lemo. Nywako imung kede icina. Wero wer. Ka itye imito rwate ibutu, wot ituku me miyo wii bedo okwe mot.

Nero Okidi omede. “Ingeo ni pe pore me yin onyongo awobi moro keken me rucu, diyo onyongo tic kede gupu keken me rwate ibutu.

Gero wano jo ducu. Tic kede gero mio awobe rwenyo woro kede dang poko gi oko iyi akina jo okene.

Amani, Okidi, itamo ni dong itye atera me cako moko tam atek/aber me bedo imara?”

### *Apenye bot gurup:*

- Itamo ni Okidi dong tye atera me moko tam atek? Pingo?
- Yin inyutu mara bot jo iyi paco ni kede owote ni? Iyore ango?
- Dano romo nyutu mara bot awotere ame nyako onyo awobi abongo rwate ibutu? Iyore ango?











Okidi okobo ni, “An dong atye atera!”

Inino mere okene icukul, owote Okidi owinyo ni nyako no maro okidi. Yii Okidi yom, ento wie obale. En openyo awotere, “Amani atim dong ngo?”

Owote mere te miye tam ni, “Yin cwal ka balu bot nyako no ite kobe me rwate kedi icukul kan tin iwor. Eka ite kobe ni yin imare.”


Okidi opoyo ngo ame nero mere obin okobe. Tam aber obedo me lwonge kede lok idiceng. Tam atek twero obedo me ngeye aber kun nwo itye idongo gen atut kede owote.

Okidi otamo pi dakika acel. Eka te cwali nyako balu me kobe ni emare dok ewore. En openye me bedo awotere obedo awobi, kun cikere me nyutu mara iyore apol abongo rwate ibutu pi kare ni.

### *Apenye bot gurup:*

- Itamo ni nyako no ogamo balu mere? Pingo?
- Okidi omoko tam aber onyongo tam atek?
- Tam ango atek ame yin iromo moko ikom gin man?







Inino moro acel ame nwo kot tye acwe, Okidi kede owote mere nwo tye obedo ite yat. Gin pe romo gweyo odilo pi kot kede coto ame opongo lek oko.

Awot gi acel te kobo ni, “Omina adit okobo ni ewili wa bia. Oromo wot temo?”

Okidi tye neno owobe okene ame pe alok. Wiye te poyo ngo ame nero mere opwonye kede. Tam aber romo bedo calo bala bedo kede owote mere ento pe me mato bia. Ento tam atek okene amaro bedo me moyo yoo okene me yomo yic. Okidi otamo ngo ame owote mere abino kobo.

“Owote na, wan pwod obedo otino me cako mato kongo. Pe weko wan onen bala coo. Omaro nen aming tutwal kede jo okene bino nyero wa. Owot otuk wunu odilo kar acel.”


Owote mere te yee, man omio yii Okidi yom!

---


### *Apenye bot gurup:*

- Okidi obino moko tam aber onyongo atek?
- Tam ango atek ame yin nwo iromo moko ikom gin man ame otimere ni?









Inino okene, Okidi odwogo paco te nwongo aminere tye awot icuk. Okidi te penyo, “Itye iwot kwene?” Aminere te gamo, “Mama omia cente okene. Atye awot icuk me wilo bongo.”

Okidi pe owinyo aber pien en tye amito wilo odilo me agwea. En te cako gero oko. Calo bala ominere en myero ebed kede dwon me miyo tam dang.

Okidi otamo pi miti mere. Tam aber obedo me penyo aminere me poke cente. Mano romo tyeko peko no iyi yore me kuc. Ento, tam atek nwo romo bedo me winyo kop aminere, leyo tam eka te moko tam me mwolo. Kadi bed pi mano, en tye kede yite aryo kede doge acel pi tyen kop.


Okidi openyo, “Pingo imito bongo anyen” Aminere te tite, “Omina, onyira icukul onyera pi bongo na ame otuci. Alane.” Okidi dong oniang. “Amina, apwoyi pi nyako keda tam man. Amito ginoro, dang. Oromo tic kede cente man me konyo wan ducu? Tami tye ni ngo” Aminere otamo eka te kobo, “Oromo kwoyo bongo na eka ote wilo odilo acon.”

Okidi oniang ni en kede aminere pe omaro lok kar acel. Ento aminere tye kede tam mogo atek!

## *Apenye bot gurup:*

- Okidi omoko tam aber onyongo tam atek?
- Tam ango atek ame yin iromo moko ikom gin ame otimere ni?







“Okea,” Nero okobi Okidi, “Atye kede awaka ikomi. Ibedo tamo akwako miti ni kede tami. Yin dong itye ipwonyo moko tam atek.

Itye idongo, ento pwod pe ibedo icoo. Tye jami apol inyimi ikare me kwo in.

Piri tek tutwal. Bed kede gen ikomi. Atye kede gen ikomi!”

**“Obedo dano ame pi wu tek tutwal. Bedo wunu kede gen ikom wu. Atye kede gen ikom wu!”**

### *Apeny bot gurup:*

- Ibino timo ginoro iyoo apat iyonge winyo icina Okidi ni? Ngo?









Okidi odongo ame obedo oteka! Kun beo itic atek ame atek, Okidi te doko apwony me awora kede dano me anen aber.

Okidi obedo dano ame pire tek ikwo amine. En ocukuru cuny aminere me tyeko kwan. Ikara ame en onyomere, en ilok ikarama me nyom, ikare ame en onwongo otino, Okidi otero kare me bedo nero itino acalo gina pire tek tutwal. Ka gin obedo kede apenye moro keken, otino loko kede nero gi, kit ame Okidi otimo ikare ame en tye adongo.

Okidi onyomere kede dako ame en nwongo maro lok kede. Gin tye kede paco ame tye kede kuc. Iyonge nwongo otino aryo, gin te moko ni otino aryo dong romo. Gin owoto ikabedo me yot kom me pwnyo yore me giko nywalo otino.

Okidi kede dako mere tero atin anyaka kede awobi, arorom aroma. Idiwor ducu, Okidi kobo bot nyare kede wode:

“Obedo dano ame pi wu tek tutwal. Bedo wunu kede gen ikom wu. Atye kede gen ikom wu!”



# Apenye mogo ame omaro penyoy kede agam gi

## Jarawe obedo ngo?

Jarawe obedo kare ame otino nwongo dong pe obedo otino atino kede now pwod pe odoko jo adongo. Ikare me jarawe, kom awobe kede anyira lokere oko- kom gi mede adongo dang gin dongo abor, kom gi me icoo onyo mon dongo, kede yer dang cako dongo ikabedo anyen ikom. Ikare me jarawe, kom nyako dongo aber me yac kede kom awobi dang dongo me doko papu.

## Mwaka mene ame awobe kede anyira beo ijarawe?

Jarawe tere alokaloka ducu me kom ame otino beo iye ka nwo lokere me bedo jo adongo. Anyira cako neno alokaloka con lo awobe oko. Pol anyira cako neno alokaloka iyi akina mwaka 8 -13, kede awobe cako neno alokaloka iyi akina mwaka 10-15. Twero bedo acegi onyongo icen. Jo ducu tye apapat, pi man, jo ducu beo ijarawe irwom apapat. Alokaloka itam kede kom mede naka ka mwaka 19 onyongo mwaka 20.

## Pore me awobe mogo onyo anyira mogo me cako doko adongo con akato en okene oko?

Ateni. Awobe okene cako jarawe gi con kede mwaka 10, jo okene naka ka otunu gini mwaka 15. Anyira okene cako jarawe gi kede mwaka anonok bala mwaka 8, en okene naka ka otunu gini mwaka 13 onyo akato. Jo ducu pore pi gi.

## Pingo omiyo kakan okene ikom dongo oyotoyt loo en okene oko?

Ikare me jarawe, tye yoo ame kwakere kede alokaloka me kom: Pi awobe, dongo akome me coo en obedo anyut me acaki. Ento, alokaloka me kom twero dongo iyore apapat ame dang pwod nwongo pore.

## Telo obedo ngo?

Telo obedo cung akom me icoo atek kede remo. Awobe kede coo bedo telo apol idye wor. Man timere pol akare ka dono ocoo kede telo. Man pe balo. Awobe kede coo dang tello ka gin pe tye ageno idye ceng, kadi dang gin pe kede miti me rwate ibutu. Awobe kede coo pe romo gengere gini ka gin otelo. Man timere dang obedo yoo me dongo me kom coo.



## **Kom me icoo myero borere kede ditere bed arom kwene?**

Caji me kom me icoo pire pe tek dang pe nyutu ni icoo romo nywal atin onyo bedo dano ame tye kede mara aber. Pi jo adongo, kom me icoo bedo iyi akin borere cm 14-16 ka otelo. Pi bulu, gin pe kede caji moro keken pien kom gi dongo apapat. Ikare me ajarawe iyi akina mwaka 10-18, kom me icoo kede tong man dongo oyotoyot, kadi bed ni kom me icoo pe giko dongo naka ka itunu mwaka 21. Pe tye ditere ame omoko ka tye atek.

## **Kwir kede lac romo pelo ikom icawa arorom?**

Kwir kede lac ducu tiyo kede yoo acel me pelo, pii ame pelo ikom me icoo ka odoko atek. Ento, yoo ame tye ping ikom me icoo, opira acek ame kelo lac iya opoko lac naka okoo ikom dano, miyo pe twere me kwir kede lac me pelo kar acel iyi opira no.

## **Lire obedo ngo?**

Lire obedo yango me kwanyo del moro atitidi (del me wii kom me icoo) ame wumu wii kom me icoo. Ka awobe olire, pe tye ginoro keken amyero lwor. Pe gengo rwate ibutu iyi anyim.

## **Kom me icoo myero ogwok acil iyoo ango?**

Lwok kom me icoo ni aber nino inino kede pii onyo cabun. Ka awobi pe oliro, en myero waa wii del me kom icoo eka te lwoko tere.

## **Kwir obedo ngo?**

Kwir obedo tong icoo. Kwir yubere iyi tong man eka te pelo iyi pii adwong me kom icoo. Tye milio me kwir ame donyo inyet acel acel. Ka pii no odonyo ikom nyako, nyako romo yac. Ka awobi orwate kede nyako iyore me butu eka te woto kome me icoo okoo ame pwod pe oony, pwod dang weko nyako yac. Man romo bedo atek me woto oko con, romo bedo ni kwir dang odong iyii kom me icoo ikare ame oony icaki ame dang romo bedo pelo ame kwir okene pwod pe onyete.





## Biyo kwir obedo ngo?

Biyo kwir obedo tim ame dano timo ka ce en onwongo miti me rwate ibutu ame nwongo omako kome me icoo. Biyo kwir miyo dano tunu iyi agiki me miti kede nyeto kwir. Pe tye yoo aber onyo arac me biyo kwir.

## Itamo ni biyo kwir abongo rwate ibutu kelo peko iyot kom?

Ber . Biyo kwir pe kelo peko moro keken kadi dang otimo kare ikare. Dang, pe tye peko me yac, kudi two jonyo kede twoe okene ame kobo iyoo me ribere ibutu. Biyo kwir pe gengo icoo me kelo kwir. Coo kelo kwir ikare ducu dang pe tum. Ka icoo otyeko nyeto kwir, tero kare moro ame en pwod pe onyeto en okene. Man timere dang pe tere ni ginoro tye arac kede kwir. Man obedo peko keken ka ce timere pi kare ducu ame gengo dano me tiyo ticere me nino ducu. Core onyongo awanu apapat romo timere ka ibiyo kede gupu. Kadi bed ni lewic bedo mako jo, alano moro pe iye.

## Ngo amite me yac bed atye?

Kadi bed ni yac pe timere ikare ducu me ribere ibutu, maro timere ka jami adek otimere 1:) tong dako myero bed atye iyi iceke, iceke ame tero tong dako iyi iwure kana otino dongo iye; 2) kwir ikom icoo myero ribere kede tong dako me weko tong dako dongo; kede 3) tong ame dong oribere kede kwir myero makere idan iwure.

## Yore ango ame yac romo gengere kede?

Ka dako kede icoo tye amito rwate iyoo me butu abongo nwongo atin, oromo tic gini kede yore moro keken me gengo yac. Tye yore apol apapat medo kede opira/roc bol, yat me amwonya, yat me pico onyonyo en ame oketo iyi iwure kede yoo me kwano nino dwe. Lok kede atic me yot kom pi ngec okene apol ame tye. Ka jo onyomere tye atic kede yore acel aber, man tere ni "gin tye ogwokere" ikom yac. Ka gin otiyo kede opira medo ikom yore okene gengo yac, tere ni gin tye "ogwokere" ikom yac medo kede twoe mogo ame kobo iyore me butu calo kudi me two jonyo.

